

湘

瑟

詞

湘瑟詞卷之三

申浦錢芳標菀紋篋

祝英臺近

納涼

玉杵收蘭沐罷。池館樹烟暝。月動雲鱗。絳出半規影。惜
然十二欄邊。兩重門裏。訝誰把香肩偷僉。短簫靜。多
情一點流螢。坐愛素裙映。瓊腕牽絲。休傍碧梧井。怕他
露蘚沾鞦。浮瓜濺齒。夜闌後。粟侵肌冷。

瑤花

閨端
陽

甌蒲再斲。戶艾重懸。不啻黃楊短。依然競渡。賺玉樓仍
捲湘簾。三面剩絲殘縷。羨繚繞頻畱。雙腕挂小釵符樣。
新翻尚與健康同頤。天應解念靈均。受願領經年。更

許良宴蛟涎水底。渾不料此日。菱添箭換。迎神簫鼓續。
妙句娥江休嬾隔。畫橋含雨。葵榴况比前番紅綻。

桂枝香

渡曹申浦用
瞿宗吉韻

零風碎雨。漸洗淨曉空。吹散裊暑。柳外蝦鬚。灑影鴨頭
平渚。忘機浴鷺如相識。任中流棹歌齊舉。白沙村靜。青
帘市遠。待潮聊作。把上客章華細數。笑珠履紛紛。肝
膽空許。白髮斜陽。釣叟羈圖。誰語楚江似帶。年年有
無邊。烟月天與不如。乘醉輕簑。短笛伴他菱女。

八犯玉交枝

存野兒作破窗詞
最佳戲和此調

幾扇紅蕙。數條碧界。不鎖去春梨夢。猶記如烟停織處。
密約紛紜曾共。風驕雨縱。把玉女明妝。飄蕭吹綻。畱仙

縫分付曉鐘。蟲撲晴簷蜂弄。夕陽有意最憐小詩。誤
誦蟾痕。還更節動酒醒後。聲低聲重。似蘆管寒。誰悲送
莫移近香。視蠟鳳。只愁烟漏啼珠凍。待補片疎。儻教人
多買芭蕉種。韓玉山詩。紛紜隔窗語。重約踏青期。庚子
山賦。倚弓於玉女窓。屏陳後。王詩。夕陽如
有意偏傍。

小窗明

南鄉子

曉起

碧甃露華凝。欄鴨眠安。曉未醒。一派朦朧。柳外清清。
惟有跳魚撥刺鳴。獨自小樓凭。短筵招涼。寫縷輕。最
是夜來衫上月。亭亭欲別。嬋娟分外情。

憶王孫

蒼葭拂面月當船。酒渴醒來枕臂眠。一曲滄浪夜悄然。

籟磯邊宿鷺驚飛破暝烟。

又

碧醺休勸碧荷筒。黃葛偏宜黃雀風。曲港潮平小檝通。
月玲瓏。一路鳴蛙亂草中。

漁父

雨響輕蓑罷晚曾。橛頭船帶折腰菱。松葉路。豆花棚。歸
去須尋草閣燈。

又

白雁來時水蓼紅。浪花微颭鯉魚風。呼棹子。約鄰翁。換
得村醪勝射洪。

又

徑尺霜鱗玉不如盤餐休歎食無魚新月後晚潮初開
看蜻蛉掠釣車

又

紅藕香中白板門露橋魚蕝靜依痕沙作堰水爲村鐵
笛吹殘臥竹根

行香子

村居

原隰啁啾在澗之濱恰相宜懷葛之民澹然自足不受
此塵愛屋如船洲如月浪如鱗一碗漿香蘋入手絲蓴
醉眠時嫩草承裯問誰還往結宇比鄰有祝雞翁飯牛
客捕魚人

醉花陰

和漱玉詞

淡火安榴深院晝，簾鬪雙屏，獸蟬鬢自生香。薄綰鬆梳，不假蘭膏透。戲除綺語春歸後，疊石華長袖。日永費消排，砑幅蠻箋，靜寫黃庭瘦。

一剪梅

希濂
玉詞

絡角銀河曉樹秋，客散江亭，纜解鄰舟。無情五兩送人歸。醉裏吳餼，夢裏秦樓。渺渺橫塘日夜流，半貯儂啼。半載郎愁，此生何處最難忘。紅板橋頭，青粉牆頭。

清平樂令

代和吳
城女韻

侵曉露桃遍倚，樓閣朦朧。烟際花事漸闌珊，收拾黃蜂小尾。髮髻兩肩任委，嬾向紅奩盤起。玉骨瘦來多，不似雀徽畫裏。

送入我門來

閨情和
硯銘

暖暖池塘悄悄簾箔重重十二樓臺
屈膝歲鞋日日鎖
春苔踏青陌上匆匆散覺織素機
邊事事乖慳慳意冷
落銀泥月扇金縷弓鞋
除却薰籠小鴨知誰伴
人顚
頓解此情懷彈指年光又早
合昏開獨兒警睡當關密
况鸚母多言別院猜
便牋題玉葉何緣偷送入我門來

趙生以玉葉牋
題詩寄非烟

映山紅慢

橘花

李瑩桃殷總不似緋衣阿措
自載上仙槎一枝照眼偏
宜重五濃陰院落過微雨
蹙綃囊傍勾欄暮應惹得池
畔猩裙浣女爭妬
誰喚取頓遜蠡杯還醉擘珠房題

旬休悵望斷無消息，倚遍東堂芳樹，憐他多子先教種。

守宮砂把檀心護，向花叢住。羨雙影銜巾翠羽。簡文詩
蠶杯石

榼酒義山詩斷無消息
石榴紅歐詞東堂石榴

鷓鴣天 詞

柳碧橋紅月襯銀，曼聲微颺意逡巡。簪來釵股圓仍澀。

溫處衫痕款更勻。檀押句，杏霏塵。破長消得鳳尖頻。

綠腰攬入楓香調，猜遍屏間記曲人。曲譜遲其聲以媚
之謂之善搢又板

名曲句綺展用段善本事
唐張紅紅稱記曲小娘

西江月 隱語

指鏡郎心未悟，合鞋妾夢空驚。見蓮畢竟欠分明。撩亂

藕絲難整。不耐口中生闕。其如門裏安橫。藏頭重密

小吳綾半朶桃花爲姓。

桂殿秋

殘蠟燭。曉簾波。天碧生衣。鳳尾羅一莖。待女軍持小。獨
立傾城不在多。蘭名
待女

烏夜啼

集調
名

露華秋霽。淒涼月當窗。南浦漁歌。轉應芰荷香。芳草
渡陽臺路。意難忘。庭院深深。子夜夢橫塘。

三字令

集調
名

西樓月。畫蛾眉。憶瑤姬。探芳信。誤佳期。小桃紅。春草碧。
極相思。花自落。鳳孤飛。恨來遲。金釵子。玉團兒。好時
光。留客住。莫思歸。

好事近 立秋

豆雨雜杉風，吹到去季秋信。逗曉青奴斜抱，稱桃笙涼
嫩。起來碧落霽烟收，殘月半疆印。整頓麝煤金斗，熨

麴紗潮暈。山谷謂竹夫人為青奴

步蟾宮

紅蕤枕綬同心苜，綠底事不畱儂住。鬪頭兒坐已覓消。
怎生受被香溫處。繞廊拖袖闌珊去。正樓角黃昏微
雨。相看整日只尋常，纔不見思量千度。

生查子

三年彈指間，孤負登牆眼。不是絮沾泥，生怕絲抽繭。
緘來決絕時，補過郎應曉。趁小摘青梅，心裏人休見。

七娘子

絲線

轆轤聲斷珠猶滴，酒醒何處縵車急。軋軋當窓悽悽向
壁，寶家機昨難成匹。疎籬幾朶牽牛碧，分明便面黃
荃筆。歲去年來風朝露夕，鬢絲總被伊催織。

隔浦蓮近拍

橋亭
招飲

輕雲難翳畏景，暑尾秋仍剩。頰此江都宅，篔陰梧翠交
映。邀我浮舴舨，玻璃淨。紅藕香中境，頓清冷。迴欄俯
處，文鱗搖皺萍影。瓊窰滿泛，醉面好風吹醒。林火汀烟
漸向暝，乘興從教珠斗橫柄。

破陣子

雪田齊同繡山蕭陳
家後江諸公觀奕

清簟疎簾雨後隱，囊紗帽罇前。借問宣城羸郡樂，何似

東山賭聖賢仙翁笑不言。緩緩歸鴉接翅離離宿鷺
聯拳。橘裏紋枰堪度日。松下樵柯莫記年。迴橈壁月懸
後庭宴

香粉木瓜。秋衣椒蘭。懨懨酒惡。茸眼倚樓。終日盼秋
來。秋來依舊襟懷。嫩生疎。楚簟齊紈。應恨故歡情淺。
漏添宵永。何計將閒遣。一瓊雨中。燈數聲窗下剪。

浪淘沙

通畫

雲木曉相參。百頃風潭。浣花翁句舊曾諳。除却綃屏無
此景。還數江南。石髮細縷縷。坐漱餘酣。山光罨黛水
拖藍。一隻鷺鷥飛過也。幾葉蒲帆。

開元樂

鳳蠟花焦欲卸。鮎窓柳重難明。搯枕正貪秋氣。趁虛漸有人聲。

八聲甘州

宴楊副戎署卽家相國故第

記童時竹馬望衡居。百度過街西。正平津罷相。堂成綠野人羨烏衣。一自雕梁換玉。別燕舊巢非無恙。高城月空照鴉啼。下瀨新開幕府有。躬生奉。荷管伎持。蠹悵靈光雖在。誰辨劫灰飛。淡秋烟池平樹古。剩阿咸重到。夢依稀。將。耶醉倚弓。還向玉女窗扉。

三姝媚

乙卯中秋同文在漢度筇實少楹集山園

空山翠籟寂。漸纖雲都收翠。隘如拭。乍吐冰蟾學晚妝。螺髻玉梳欹側。一瓊醺餘烟柳外。金波千尺。雪苑瓊田。

除却清歌更誰消得。隨意臨流移席，拚桂影橫斜。露華沾滴。此際城闌，定鵲壚添柱。鳳樓吹笛，竊藥嬋娟，總不管人閒頭白。幾度披衣吟倦，寒蠶未息。

風流子

飲律始東山草堂卽事

佳巖棲隱處，山之麓，殘桂足淹留。喜丹嶂晚晴，涼侵玉簟。碧潭夜靜，月印金甌。堪供客秋芽，茶竈焙香麴。釀牀筠乍熟，香橙雙螯紫健，將登稷稻。羣雀黃稠。花陰陶然，後東洲近。乘興更棹扁舟。臥對縠紋波細，瀕火林幽。念沁水名園，臺傾館廢，南皮舊侶，雨散風流，爭似渚田呼鴨。沙檻盟鷗。

蘭陵王

用清真韻

遠江直。無數秋山蘸碧。昏烟外。千點亂鴉。接翅歸飛弄
寒色。佳人渺南國。愁絕登臨賦客。滿霜館。零杵碎砧燈
火。家家動刀尺。年時履綦跡。向杜曲。花褪燕市歌席。
樽前相對忘眠食。嗟好夢雲散。倦游飄颻。藍橋何路覓。
舊驛任冰泮鴻北。心惻歲陰積。忽影送嫵媚。天慰孤
寂。寒簾一笑歡難極。待載酒探桂。並肩吹笛。能禁離袖
雲淚顆。漏共滴。

白苧

用蔣勝
欲韻

近重陽。碧空霽。秋颺漸落。闌珊意態。尙帶連宵酒惡。釐
黃昏半竿斜照。界書幕。巖壑儘宜人。墜策路紫騮休躍。
蓉城仙夢。分付孤筇領略。偏稱他。小山殘粟。東籬萼。

悔昨誤踏櫻鞦軟紅堆裏贏得嗔肩陡削把似海風光
等閒拋却鱸鄉入手肯因循好景檀荒樽索買隻沙棠
艤白蘋江遙對江閣靜徹淪漣浣出雲衣薄

六醜

秋夜感懷
用夢窓韵

乍梅慊夢小漏箭永銀虬頻掣短檠背牕幢幢後半滅
暗數愁節幾度寒譙鼓直廬清夜對玉繩高揭雞人未
唱霜蹄熱露漉青綾香添紫綬臙腮漸分雙鬪早黃麻
捧處稍響傳徹輻收鎖樹感河陽赤髮釣艇西風冶
遊頓別瑤芳慣怕鴟鳩况蘅皋目斷洛川羅襪銅瓶墜
鞭轡絲絛恨季少酒鄉歌慵負殺五湖船外鳥棲度空
竹紅雪願再世莫種同心樹丁香罷結

寶鼎現

憶京邸陳事
寄鍾宛諸昆

鳳城西眺十載留滯。追陪裙屐。疎雨過西山。朝爽九陌。
無塵人下。正記金馬上來青軒宿。松底泉鳴。月白更執
手。桑乾古渡。跳盞漁陽秋色。笑語歸去。渾忘客。倩燕
姬深勸杯炙。浮雪椀酥融乳膩。松甲微黃。蘋果碧。任紫
邏報銅壺頻滴。燈影猶交履舄。向翠毯紅氍爇處。那放
霜華夜迢。惆悵折柳青門。憑夢遶烟江南北。料茱萸
簪鬢時。有新詩奇憶。奈我似野鳥踪跡。酒態非疇昔。祇
目送牛背斜陽。嬾話天街玉勒。

夜行船

用史梅
溪韵

取次梳妝閒淡態。舊春衫酒痕猶在。故故矜嚴。佯佯冷

落不覺眼波偷賣。道罷勝常惟撚帶。厭勻描淺鉛深。
黛密約關心。良辰彈指。又近玉盤傳菜。

柳梢青

題吳江管雪民畫湖惡關小景

織水樓前。晨鉦夜柝。幾度流連。兩岸雞聲。半彎虹影。一
抹螺烟。葉繻歸去高眠。認畫裏垂楊繫船。就悞鄉心。
消磨客鬢。總向其間。

上林春令

買得無腸公子。更不數金釐玉脍。白衣紅友。攜來趁似
蠟雀肪正膩。畦丁款戶若解事。送幾本半開疎藥。愛
他瘳影依牆。作燈前淡妝人醉。

醋相思

第二橋邊烏柏樹。是曾倚危欄處。蘇錦湔霜紅流不去。
兩袖也穠如許。兩頰也酡如許。廿載輕舸重問渡樹。
老人非故。聽遙空寥寥新雁語。衣寄也愁無侶。書寄也
愁無侶。

獻衷心

天馬道中與筠寶
對飲用花間韻

夾兩崖西去。吹面蘋風。天卵色碧漪同。漸翠微向暝。鬢
裊烟重。惆悵意從古在。夕陽中。樵逕轉。石幢暹塔鈴。
無語短垣紅。隔亂杉何處。燈火窗籠。茆舍近。君莫放酒
卮空。

應天長慢

橫雲
廢苑

斜陽秋意滿。度柳外危橋。敗荷零亂。千仞雲屏。徧插虹

腰天半櫻桃。殘夢醒。問那是故家池館。空指點。敲牖。地
穿壞牆。蝸篆。野老往來慣。向釣渚。舉觥伎堂勸。蔓禪
板。齋鐘。潛替雁。箏鴛管。淒涼吟眺客。漫徙倚。瘦筇支遍。
誰解識。三十年前錦溫花暖。

雁過妝樓

本意

淡月窗紗。驚寒陣。聲聲漸近。簷牙。奕殘香地。如應倦客
長嗟。水碧沙明。商畧苦。把愁細訴與天涯。賽淒涼。戍垣
驚策。估舸琵琶。憐他棲枝。揀盡奈爪痕。只戀淺瀨蘆
花。楚峯何處。迢遞夢鎖雲。賒。蕭娘錦書不到。恨排做人
人清影斜。銀屏悄。把無端絃柱。思遍年華。

意難忘

乙卯重陽

憔悴晴和謝催租吏去送酒人過新霜楓錦試斜吹水
紋拖凭畫鷁指烟螺怯獨上崔嵬問小樓茱萸女伴細
馬誰馱頻年落托開河泥壚頭紫燈燭底青蛾松臺
秋落帽竹路夜聞歌無限意漸蹉跎付一卷鴛摩覺近
來歡場醉減倦枕眠多

惜黃花慢

賦菊和
夢窗韵

雅淡衣裳想部頭小字合喚秋孃早楓冷後矮籬缺處
爲誰暉袖凝恨斜陽紫綃白紵參差映楸檉罷應換嚴
妝笑楚鄉落英未抵新釀盈觴羅幃乍墮微霜更一
燈照影人立昏黃舊時寒鴈又同赴約多情野蝶未許
尋香阿嬌不願金爲屋自甘伴青女蒼涼漫繫腸冶春

艷錦輕狂

宋宮人有
菊部頭

過秦樓

日脚斜拖烟容薄。歛爽秋端。勝穠春步。郭西坊曲。試款
揭犀簾。瞥見人人。眼潤粉難勻。定宵來玉苦珠辛。道蘋
溪遊倦。蘭舟歸晚。纔起香裯。把舊時鏡約從頭數。料
花姨月姊。應也微嚙。怎碧桃開後。又因循過了。幾許良
辰。莫是宋家鄰。負登壇。沒分橫陳。果今生分淺。因甚在
年。役夢勞神。

金菊對芙蓉

寄葉
視孫

波面欄杆。渡頭燈火。也曾吟遍秦淮。被西風催賺。幾縹
芒鞋。如今怕憶陵陽。淚費卜錢。閨裏金釵。杜秋垂老。雲

英未嫁。一例情懷。此悶索倩誰排。賴四鄉好處，許借
吾儕。且風批月抹，蝶遺鶯差。伊涼譜就雙鬢，唱把白楊
種滿蕭齋。從他袞袞，青編事業，黃紙官階。

瑞龍吟

憶仗用
清真韻

橫塘路。遙睇一曲烟波，兩行霜樹。銷魂如箭，帆輕，泰娘
載上。飄將甚處。悄延芳，難覓乞漿當日。小桃朱戶，關
珊中酒襟懷。夢回暗憶，心盟手語。虛度銀釭花下。玉
簫腔裏。婆羅門舞。生怕嫩條，章臺腰樣非故。秋紈畫篋，
香冷芳姿句。空贏得梁塵遡響。苔痕尋步。強欲追歡去。
看雲不是巫山舊緒。潘鬢愁千縷。風葉亂蕭蕭，聲疑寒
雨。幾時繡幌，倚肩吹絮。

女冠子

用竹
山韻

湖蓬吹也。亂山丹錦堪畫。黃雲凝處。早鵬盤緊。鵲血珊瑚。何人馳射。歸鞍狐兔。挂喚取玉餅。乳酒儘消。清夜又爭知。單枕倦客。不似鳳城時。貪耍。汀蘆翻雪。寒潮打伴。秋霜明鏡。未許青絲借絡。煤飄地。記醉裏笑索。鏡毫題帕。蠻腰裙。秘研一曲。恨來遲。破脆絃如話。料別來憔悴也。應門閉。枇杷花下。

卜算子

題緝上人小像

潮長橘洲平。煙鎖楓江暮。護罷離騷捲釣輪。人意閒於鷺。偶趁樵風去。聊傍綃宮住。一點銀蟾萬頃秋。只此是忘言處。

氏州第一 賦九月

壯丹

楓冷蓉醜秋事漸老招腰獨倚穠艷短日烘來微霜拂
去重試脂痕一點無語蕭晨似嫁晚娉婷凝黯崇敬臺
荒沈香初靜把傾城賺狡獪蕃釐工洹染那須待東
皇親檢袖紫凌寒心檀耐久任曉稀鶯欠囑司花鈴幙
護商飈薄休侵碧檻影入涼蟾勝畱春歌誼酒醞

玉樹後庭花

眉峯似共橫波語燭光搖處燕輕鶯小花蘂住那愁紅
雨 斷腸玉茗香檀句夢回竟去前身合是南安女粉
真畱取

六么令

富林舟中

孟婆無賴斜捲半江雪。驛西倦篙聊卓。隔嶼渺天末。已
是霜柯瘦減。更埽亭臯葉。相烏鳴徹。驚沙一片。萬騎嚴
旌。夜騰踏。曾傍黃河店宿。瞥眼重茅捐。更憶采石帆
收。動魄鄰。撞折。多少書飄劍泊。噩夢休頻說。酒濃香熟。
新寒鴛被。待取弓彎。那人貼。

玉蝴蝶

青溪席上
贈周東園

賦倦上林虛橘。一官似水。雙鬢將絲。絳幔籃輿。偏許顧
曲。揆詩脯紅。吼盤非苜蓿。浮綠蟻。杓是鷓鴣。幾曾知。太
常齋日。僕射醒時。追隨溪堂深夜。蠟花頻剪。麈尾猶
持。拍手兒童。接羅從倒。習家池。笑荒唐。丹爐九轉。休艷
羨。紫袋三司。菊香遲。舊甌安穩。未怕晨飈。

江城梅花引

秋來無日不聞行。暮南城。曉西城。酒伴相逢底用問平生。但是有花無俗客，繫船處，話依依。倍有情。有情有情。君試聽。酒易傾。花易零。醉也醉也。怎醉得。埋後劉伶。冉冉斜暉不戀遠。山橫峴首碑。磨狐史。蠹千載。下。更何人認此名。

薄倖

襦褌殘線。記燈底春蔥。緝遍向四角中央盤處。認取柔腸輪轉。恨寸絲難繫。郎心空箱。疊並班。姬扇。負冷試并刀。香添。斲艾。多少深憐密眷。到夢醒高唐。後愁不稱。沈腰鬆慢。枉薰籠珍重。魚鰓鳳。滑卷衣人。比天猶遠。淚

分明濺待眼，假坐貼新綿。縱輒休輕換，摩挲半晌還怕。
繚綾易綻。

金菊對芙蓉

遲硯孫不至
用前韵招之

楓借花，竟雁描筆影。小春春酒如淮。正南山歸去，蚤辦
青鞋。江郎鏤管分明在，算只應咏帕題釵。暮雲空合，佳
人不見，渺渺予懷。 笳箏取次安排，有海鷗結伴，野鹿
爲儕。待舟尋少伯，館弔夫差，鶴裘未冷，猶堪典，便醉依
繡佛長齋。苔錢綠淨，茫然屐齒，聽徹閒階。

玉女搖仙珮

周屯
田韻

單衫水墨洗，却鉛華。厭把瑤懸環綴。日射紅酥，煙生藍
玉，別是一般清麗。莫信羅虬比論，丰神不似，姿容猶易。

幾番誤尋花覓卉。行盡揚州。欲折還已。何期最繁枝却
在荒園。無言自媚。猶幸綠陰未滿。紫燕重歸。肯放香
泥拋棄。索笑鏡開。藏嬌樓小。占斷江南春美。歛黛書籤
倚。肯輸與才調。相如談藝。悄說向生生。世世。並頭連理。
兩情雙意。烏絲誓。啼痕沈了。吳綾被。

望海潮

同南華和
少游韻

窮桑一髮銀濤千仞。羲輪吐盡。朝華徐福不歸。成連既
去。酸風亂颭。驚沙何處。碾雲車。有翠旂縹緲。珠樹交加。
指點虛無箇中。如覩織紉家。荒墜又動金笳。正煙將
着草。霞未成花。樓蜃滅來。汀鷗狎罷。人間萬事空嗟。竿
影壞。埽斜。遶三姑廟側。叢荻神鴉。對此茫茫。祇應沈醉。

是生涯。

定風波

載酒村西覓晚楓。霜飈淒淒緊曉林。空輿盡迴船歸路倦。
橋畔蘼波恰有一株紅。點染疎籬如有意，相慰天應。
未放杪秋窮。絕似明妝朱邸列。衰歇獨畱殘醉與山翁。

長命女

紅蠟夜映柱。橫波嬌欲瀉。半面仇英畫。約畧蜂黃猶
在。知是桃根未嫁。咫尺銀河無便借。腸斷屏風鏡。

百媚娘

雙鬟篆畦心字。一點短檠珠穗。怪得被池寒似水。稷雪
正鳴窗紙。萬轉千迴。渾不是。今夜長如此。電抹廿年

陳事并向枕頭根底。老去縱餘飛動意。煙散博徒爭伎。

聽盡六更烏臼起。翻作惜騰矣。

宋人以煞點爲六更

朝中措

乞芭蕉

東臯丙舍初營願容菰植瀟瀟亭諸調畧有同心輟效擲數首

矮垣迴合鎖庭除。人坐小窓虛。只少綠雲一片。閒看暮
卷朝舒。 砑羅玉瑩不關題句。豈爲臨書。愛聽五更篷
背。耐他山雨蕭疎。

又

乞竹

野人風味此君宜。煨筍勝蒸藜。欲問坡髯玉版。先尋嶠
谷鸞棲。 南枝倘許。雨餘曾記。醉日從移。養得檀欒千
箇。便和六逸名溪。

又

乞木芙蓉

多情誰似拒霜紅。渲染素秋容。甘伴木奴楓鬼，年年嫁與西風。灘頭沙嘴，一莖數朶，分得鄰翁。不信曼卿仙府，幻來元在塵中。

又乞藉

秧

小塘新放十弓寬。如鏡待嫿顏。憑仗碧筒抽葉，田田早蓋雙鴛。花時進艇，凌波綽約，霧鬢風鬟。身是鑑湖博

士，一壺穩傍闌干。

鑑湖句用陸翁事

又乞草

花子

綠陰亭榭要紅芳。嘉種隔年藏。一段幽居清課，兒童莫笑閒忙。緘題小字，單臺疊瓣，淺白深黃。偏怪花中婢妾，纖柔別有新妝。

又乞
極

永豐坊角小蠻腰。長搭赤欄橋。屈指明季寒食，瓦溝應
拂烟梢。薄綿散處，粟畱對語，喜定新巢。繫隻斜陽，拚
艤。罩儂歌笠吹簫。

又乞瓜
豆種

甲痕纔坼雨餘青。煙蔓漸連塍。日晚荷翻，暈太，繞籬黃
鸞相迎。東陵五色，南山一頃，往事休評。多少朱門梁
肉，嘗新總讓畦丁。

又乞紫
藤

仲文枯樹半欹斜。隨意結松蛇。借取寶幢瓔珞，旃林賜
作袈裟。送春迎夏，雙扉綠淨，襯出明霞。圓得午陰移

處瘳根支鼎烹茶

又乞天

竹

官梅未坼菊全蕪何物件潛夫賴此墻陰隙地短叢密
綴珊瑚 蠻江紅豆峯山朱實得似伊無寄語凍禽休
啞任教雪壓霜鋪

又乞水

仙

宓妃芝節恨如何羅襪剩凌波自共蘭爲鄉里素琴遺
操猶和 黃冠編袂紙窗雪映蕊益香多盡日擁鑪相
對只消兩本三窠

相傳蘭與水仙爲夫婦花
又幽蘭水仙皆琴操名

殢人嬌

錦響松吹鑪灰雪陷窗楞矮暝陰先占簾衣翠殿額波

微泛擁膝處。膽瓶蠟梅香澹。絲線添工。檐榆繫念燈
紅裏。一編曾勘。人今如夢。花空似糝。且浪把來朝雨晴
占驗。

感恩多

麝煙金帶枕。催喚鴛鴦寢。夜寒刀尺知。故遲遲。不管
狂心惱亂。夢回時。夢回時。待起晨妝也。教畱滯伊。

似娘兒

旋葉響空檐。做九天。着意風尖。地爐火緩。頗黎凍。廣庭
積水。月華雖好。生怕鉤簾。青女絕猜嫌。伴素娥。碧海
厭厭無人賞。處清方絕。春燈三五。秋光一半。終媿霜蟾。

侍香金童

學步盈盈蹴。嫩湘裙摺。更酒量雙渦。燈射頰。喚作璧人。
人未慳。那見無瑕。抱來溫貼。問緣誰。瘳損腰圍。剛一
捻。料不慣風枝雨葉。寄語棲香。狂夢曉。好待春深。粉膩
紅踏。

小梅花

霜華重。花陰送。去年客跡今年夢。怕人猜。被人猜。無端
夢語。偏是養娘來。惺忪倦曉。擡還暝。背面海棠嬌未
醒。日三竿。麝煤殘。熏籠四角。猶罩藕衫單。

又

藤蕪路。東風暮。薄寒殘。醉籠鞭度。畫橋斜。粉垣遮。年時
門巷。仍對女郎花。烏龍臥處。屏山掩。咫尺瓊樓天樣

遠小紅嬌倩誰邀賺他除是伴弄賣傷簫

偷聲木蘭花

詞績堂
卽事

荒畦大吹停篙處認得門前新種樹把燭循欄先覓溪
榭梧蕾看南枝已漏春消息準備鄰翁領一石瘳竹
當齋影薄須乘臘月栽

又

鳴榔乍撥冰蟾白打笠俄催溪雨黑萬籟都停鎮日槽
床壓蔗聲天公解識孤村靜故遣淙淙喧夜永冷沁
衾窩不道喧中靜更多

又

疎檣一面迎曦暖僅約添他糊雪蘂竹几瓷盃看到沉

因甚玉肌消却翠蛾慵掠。悵風凋雨也曾經總。不似今番惡。銀蒜靜垂犀箔。宿醲伴託。没人小檻暮寒時。悄耐得紅鞦韆薄。

霜天曉角

木意

青女天斜。斃鱗鋪玉砂。正是朝寒料峭。誰弄徹小梅花。京華曾聽他。誤人歸夢賒。一晌日高烟斂。衰柳外亂啼鴉。

醉公子

誰攪濃香被。故惱花枝睡。不是不憐伊。憐伊不得時。酒醒從頭問。黛斂殘妝褪。但免謝鯤梭。三蕉誓莫過。

訴衷情

鬱金堂北月朧明，
釵密漸侵纓。眉語
遞笑渦生，
散子被儂羸。
改席夜寒輕，
撇人行。却來花底
曲欄凭，訴衷情。

又

湘醪停棹曲停箏，
殘蠟卸春檠。屏六
扇，箭三更，
珊枕綠雲傾。
何處轉新鶯，欠分明。
流蘇影裏動朱櫻，
訴衷情。

醉蓬萊

雜詩何如庵
屬起小像

愛篔簹翠卷蒲萐香浮，
小池平岸。誰著何郎，
映雙妹鉛面。白雪蠟紗，
茜絲蠅拂，更紫檀螺枕，
裨史拋時。茶煙颺處，
石涼人倦。十里春風，
二分明月，似此家山，
儘堪遊宴。東閣詩成，
想錦牋題遍。鶴背腰纏，
樓頭狂夢，任少年飛電。
楚澗相看，靈和如昨，
漢南休歎。

傳言玉女

飯懶茶慵誰省爲誰憔悴。淡宵殘夢也。含顰噎淚紗綰。
霧鬢偏勝鳳。鵲鴉髻。採桑時近。捧心門閉。束素腰支。
稱新裁比甲翠。息肌熏徹。有青衣解意。閒來繡牀。悄托
粉頰斜睇。見人推說。中寒扶醉。

玉蝴蝶

繡繡被展香茵。有人憐鄂。君舟小。恰橫陳。誰能辨兩身。
歌斜處。相俚語。偷得眼前春。和夢麝氣氤氳。結爲溪上

透碧霄

耐思量。一生惟有舊風光。水橋襪印。紗櫳燈影。曾取繫柔

腸分明非夢。星前絮語，懷裏餘香。悵重來何事茫茫。但半篙寒鷺，雙扉斜照，誤煞漁郎。算漂萍數載，吳儂歸鬢，漸點鏡中霜。送雨花，撲春漏，爭不瘦損紅妝。楚峯二六，湘絃十五，無限疎狂。爲情多贏得淒涼。縱寫殘烏鵲，尋遍青禽，怎寄伊行。

春從天上來

立春

洩漏韶顏，是裊裊，釵頭一股青旂。玉人纖手，催送辛盤。風景暗憶長安，換椒宮帖子，正寫就百幅迴鸞。賜酺歸，有綉屏照夜，碟盃祛寒。 相如薄遊倦矣，甚踐約束，風又到人間。染草池塘，薰梅亭館，依舊綠了眉山。問誰家金犢，期花信，屈指更番。小闌干，笑紫婚紅嫁，自此多般。

花發沁園春

寒夜同陸義山話
舊兼憶朱錫鬯

浦口漁歸，曆頭冬盡，草堂剝啄誰到。應門說向，有客翩然，幸未剡溪迴棹。相攜一笑，禪榻畔，茶烟風裊。把兩載秋髮驚看，半生春夢重道。媿我焚枯據槁，讓雲霄鶴行。玉珮趨早，端門和雪，侍史薰衣，換得野猿沙鳥。樽濃漏悄，心事許寒檠同照。更問訊，范蠡湖邊，十郎新句多少。

江月晃重山

詞友人納
懶不果

茂苑三春白紵，雷塘十里紅樓。此鄉從古號溫柔。遺鞭客，何事不回眸。但遣劉郎腸斷，誰憐杜牧名留。東鄰莫訝善悲秋。朝雲影，端向夢中求。

瑞鷓鴣 臘月廿四夜同義
山飲董樗亭宅

竈燈方祀膠牙餠散酒還依折脚銷已去丁年憐鹿夢

曾看甲煎話羊城 上公呵殿冰凝輒都護儲胥雪壓

營誰識紙窗煨芋客復陶開擁坐深更 膠上聲
煎去聲

三臺

對銅槃紅吐膩蠟玉船碧湛芳醪近歲除早透半分春

正人在秦樓深處沈州順簇坐調笙侶醞釀出香雲香

雨。越梅影纔試銀餅。遍耳畔乳鶯嬌語。儘愁心。向此漫

遊。密跡從前低訴。淡月夜猶記。握柔莢。一笑惹情苗。千

縷。驚鴛莫打鴨。剗襪步。剛博得。非花非霧。宛轉到種

藕成蓮。幾回費粉。猜脂妬。况鄰牆窺宋。尚遠。洛濱感甄

初賦。逐軟塵。載上小駟車。飽嘗遍郡。鼓津鼓。歸巢傍。飛
梁安穩。化喜鏡。圓無恙。眉嬾好時節。又盼星橋。鬧蛾兒
趁閒催做。

安平樂慢

丙辰
元正

薺甲占黍。竹聲爆脆。田家月令偏饒。衾窩睡熟。雨點停
來。愁緒頓遣。今朝暮景飛騰。有新縫斑綵。自頌紅椒。檢
校玉梅梢。和煙早動香苞。想鳳闕籠蔥。獸罇濃澗。天
半應奏仙韶。公道春如海也。分暖律到漁樵。雀啣衡門。
將做刺。蠶驂盡拋。但相依松篁。貝笈。午齋閒約參寥。

雪花飛

誰做春陰半月。綠知誤了燈期。多事瓊姬剪水。斜撲棠

梨。閒煞凌波步。寒簾悄立。曉貪看風前舞態。忘却添衣。

燭影搖紅

咏龍燈

語笑喧中。蜿蜒瞥現。潛虬舞。怪他丁緩。夔蛻脂。巧應雷門鼓。錯認錢塘一怒。掣星橋。銜來寶炬。九衢爭擁。百戲都停。滿空煙霧。角觝嬉遊。有人暗憶朝元路。夜濶魯照逐。鈿車響水河邊去。浪說魚衣燕脯。怕難逢。吳城小女。欲斜明月。又帶行雲。曉堂何處。

江神子慢

戲咏河豚

何來小供奉。願未朶。食指先動。乍春仲。滄海岸。暗解斷冰餘凍。午潮湧。收網蘆芽青。尙短。鞦韆外。拚教傾一甕。

膩乳約絳西施。吳儂那不珍重。從他金盞玉膾，怕東

南佳味，聲價難共。薦嘉種，侯家讌纔數烹。龍炮鳳，慢調

弄。曉事厨娘，銀作釜，流匙滑。偏宜纖手送，幾季值得燕

臺繫鄉夢。

水族加恩簿以河豚為春榮小供奉

望梅花

用蒲傳正體

雨禁風受，蕪送上元時候。茶磨遠，鐘雲外，溼甚處，青旗
沽酒，閒煞踏歌諸女伴。日暮天寒，翠袖數枝如繡，髣
髴短牆斜透。竹外半閒誰折取，插向鴉鬟前後。非是臨
鸞偏愛爾，愛與香顛比瘦。

玲瓏四犯

用姜白石體

象簾拂塵，犀簾彈淚，應知惆悵無益。一燈春雨夜，飲罷

身如客。歡娛漸成。怨抑。悔疎狂。少季踪跡。聽徹鄰簫。撥
殘灰。筮誰解。此岑寂。逡巡。畫樓寒側。對蛛封繡桁。蛾
遶書榻。夢回山枕暗。漏共簷鈴滴。東風不與花爲主。忍
容易。香泥狼籍。算未到成陰。便消停也得。

夜合花

寒食

乍霽還陰。繞暄又冷。賺人天氣難憑。枝頭紅闌。香輦漸
引娉婷。宮蠟散。紙鸞輕。喲。東風吹老。韓翃最無端。是靴
韞。南陌。松栢西陵。年時畱滯神京。曾爲傷簫社鼓。飛
夢江城。歸帆細雨。依然。獨坐聽鶯。新柳絲。舊旗亭。更何
心。隨例開行。赤欄橋外。半燕似剪。多少關情。

滿宮花

山行。花下值
歌者阿嬌

苔露濃。絲履溲。不道小庭鋪錦。殿春花下踏春人。腰痠
卻堪風甚。蜂蝶難窺榆柳蔭。莫怨蓬蒿香禁。綠知飄
蕩。爲開遲。紅淚秋孃輸恁。

卓牌兒

上巳東
臯感舊

滴階水鱗鱗。偏惹起閒愁。一派霽日淡炙。花愁不語。昏
煙低抹。草斜如帶。烏啼殢宮春。誰復逞詩懷酒態。多少
刻燭分闈。幾回交烏藏鉤。夢醒都改。小樓卷黛。正此
日。邀賓鮭菜。礎傾墻壞。惟換得悲慨難覓。斜行畱題處。
滿眼荒榛野稗。無奈甚倚樓人在。

惜紅衣

翠峰
寺

薜砌龍鱗。槐垂鼠耳。霽嵐如滴。寺角斜陽。輕紅隱淡碧。

藤兜轉處，依約記前春。曾歷相識香徑野薇，也牽衣沾
屐。東風漸息，菱鑑奩開。漁舸任歌側，茫茫一眺，霸迹
久岑寂。占得淑烟汀月，羨煞並樓鷓鴣，變姓名。從此應
署五湖閒客。

瑞鶴仙

葑山舟次
示席漢章

宿醒剛半解，更整頓壺觴，畫橈同載。人家柳塘外，正炊
煙初起。漁罾齊曬，中流欸乃。覺身坐琉璃世界，乍回眸
捩柁前灣，轉出一峰橫黛。縈帶，深深林樾，小小亭臺。
主人何在，櫻桃已賣，尊絲滑，况堪採。漸鳧鷖浴處，田田
葉滿，瞥眼藕花香快。好攜將絃管重來，看余酒態。

漢宮春

胥王
廟

越殿吳臺。恨飛來鷓鴣。踏殘麋鹿。賜夷往矣。橘柚尚垂
祠屋。蟲書玉佩。漸碑陰土花難讀。旗影颭銀濤萬頃。分
明素車。颺逐東門。漫悲懸目。問秦庭七日。爲誰痛哭。
醉。恩一劍。炯炯寸心方足。傳芭舞現。薦香蘋。閭闔絲竹。
流恨處。胥江未盡。更弔汨羅魚腹。

金人捧露盤

獨遊虞山
春去久矣

踏青期。香屐細畫衣。勻費吳娘。作意妝新。勾鶯惹燕。年
年三月。賺遊人。鴿峯烏澗。斷腸處。珥墮紛紜。待儂來
春成。夢花成子。筍成筠。閉蜂衙。疊了歌襖。桃根不見。誰
家蘭葉。載斜曛。莫嗟遲暮。縱遲暮。却免縈神。

感皇恩

瞿園咏
柳獨

別墅情無人爲誰開落烈火成叢照牆角雜花看倦猶
有賜緋新着樾陰圍合處光尤覺蜀魄啼殘血痕沾
却無限春心渺難托三更校上月影淡篩簾箔玉泉南
澗路何如昨

戀芳春慢

婁東
初夏

眠箔蠶慵試鈴鴿健雨晴春已茫然繡被薰香又洗白
鶴江邊拍岸鷗波漲雪映亘野燕麥濃煙風力峭酒病
岑岑半臂猶戀輕綿青梅入市有人齒軟紅橋繫纜
無限情牽老去典奴冷落脆管么絃慢說東園挈榼藥
欄畔鶯語流連爭知我多感衿懷自憐渾異髫年

御街行

桐孫四月垂新乳。愛小鳳藏身語。盈盈猶未嫁王昌。端
合傍塘城深處。幃屏半靠。橫波偷逝。難說是無情緒。
終須築箇瓊樓貯。怎忍放開籠去。共輝堂外。簾錢聲。莫
浪逐尋常兒女。一鳴響玉。兩行銀蠟。消得人如許。

三部樂

兩宿
虎丘

容與扁舟飽看足。半塘雨條風葉。冶遊人散。翻喜黛勻
脂刷。垂柳外如畫樓臺。正暝煙澹鎖。返照斜抹。館娃閉
久。甚處瓊簫偷歷。山腰再尋小寺。向槁梧冷甃。暫畱
時。雲摩挲舊題墨暈。秋屏塵駝。掃龕苔尚餘病衲。渾不
認劉郎蒜髮。幾許情緒。消凝際。知向誰說。

蝶戀花

午酒微醺貪睡好，短夢惺忪不意凌波到。蘭麝滿懷腰
一擲定蕊親，遙雲芽小。蜜雨重簾聲息悄，半餉遲留
生怕人知道。掠髮收裙，渾草草臨行更索盤龍照。

瑤臺第一層

重九招友
登爽閣

雨屐烟筇，今老矣登臨也。漸慵艸堂高處，新營欄榭，喜
對晴空，閉門無不可。管領得一段秋容，疎林鱗逗，彎環
山角，髻小螺重。匆匆茱萸在手，幾人能醉夕陽中。故
園佳節，從教戲馬，輸與冥鴻。螿香螿正熟，算百年開口
難逢。蠟花紅，任衣霑涼露，帽側尖風。

霜花腴

紫蓋山房
看木芙蓉

小橋徑轉，向此中條然，別有仙家。空翠遙開，冷紅齊鱗。

錦幃捲傍餘霞夕陽又斜澹蒨藍零亂寒鴉喜糟牀白
墮新筍醉顏一色耐霜華休悵晚汀蕭瑟伴籬東細
藥做煞春葩羣籟無聲澄暉如鑑忘機占取鷗沙曼卿
與嘉孽粉牋催寫秋蛇道柴門水竹陰連莫辭歸路賒

花犯

咏傳亭池上醉芙蓉花初放色正
白少遲漸紅至晚轉殷凡三變云

小塘陰紅紅素素迷離戲難準曉匳香粉知薄怒因誰
微動潮暈午窓半面分明認脂痕一綫隱訝入夜守宮
重印非關如意損君家玉鈿正邀賓花姨也解識兵
廚風韻人不醉凭欄處怕教花哂多情是鴨頭影蘸偏
惹起看朱成碧恨恨換得少季顏色霜颺吹又緊

玉漏遲

感舊

幾回知是夢無端又被游絲牽惹此恨綿綿擘盡錦牋
難寫斷送香紅一霎想翻爲蜂憐鶯詫花信假不如薄
倖從伊開謝最憶病裏愁中向燭幌聽啞繡床看畫
屏當山貲擬築護春亭榭惆悵芹泥壘就欠雙影雙栖
雙話西閣夜秋塵但凝遺柱

師師令

題餽節過欠黃花簪朶夜來剛載一船霜奈病渴文園
僵臥冷落殘英應請我愁酒慳詩愴愁城如許誰能
破只持螯差可未寒天氣半開時爭忍對晚香閒坐漱
玉消覓枯韻妥索捲簾人和

湘瑟詞卷之四

中浦錢芳標蕙鮫篋

漁家傲

十二月蕙鮫
詞正月

歇浦鞭春剛解凍，
檣頭船底冰嘶送。
網得四腮紅玉動。
傾窈窕，和衣半枕羅浮夢。
覺後晴暉沙鳥唳，
餘寒暗減青蕙縫。
城市燒燈塵正哄。
箏琶擁輪儂，
鐵笛乘閒弄。

又二
月

滬瀆潮痕隨信長，
芹芽漸坼河豚上。
春色三分看到兩。
停烏榜，紅衫掠處魚標颺。
自接柔綸兒補網，
柳塘杏鴉時來往。
社鼓鞞鞞卹廟響。
波如掌，紙鳶風急帆無恙。

又三
月

松澤雨餘春艷艷。蒨裙水沒鳧汀。鏡奩開烟柳蘸。
游儵噲。漫天狂絮多於糝。尊葉短宜鹽豉淡。桃花密
護紫荆掩。昏眼落紅三四點。沿流泛重來。不怕仙源賺。

又四

月

薛澱麥涼豌豆熟。邨邨漁舍圍新綠。鳩婦喚陰蠶上簇。
燒湘竹。磯頭撥刺銀鱗觸。換酒偶過津市宿。齋期懶
記迦文浴。歸路棟花香蔽蔽。滄浪曲。櫂聲欲斷縲車續。

又五

月

谷水年年喧競渡。漁舸不犯潛蚪怒。葵雨蒲風迷極浦。
凭舷處。鶯簧宛轉諧蛙鼓。長日倦篙隨意駐。不巾不
襪。渾忘暑。虹飲野橋猶未暮。輕雷度。蜻蛉引入田田路。

又六
月

陸瑁湖邊三伏冷。古槐蟬咽濃陰靜。鎮日持竿俛樹瘦。
貪露頂。鷺鸞翹足低窺影。多少衝炎趨畫省。人間別
有清虛境。黃雀好風常舴艋。吹夢醒。釣絲斜罨茨菇柄。

又七
月

對灣秋新菱角紫。洗車雨歇河垂地。欵乃數聲纖月裏。
天如綺。雲容也學文鱗細。明滅漁燈懸舵尾。依稀螢
影添沙嘴。夾岸豆棚低壓水。炊菰米。青煙一縷涼颼起。

又八
月

圓泖風高鳴渚葉。潮頭百尺歛瓊沫。逆浪小舟輕似鴨。
苦師捷。盤渦慣與馮夔狎。夜靜織阿涵貝闕。空濛不

礙金波澗。滴滴露珠凝。素袷吳歛發。水洪鋪錦。蘆堆雪。

又九

月

沙堰授衣秋旭杲。矮籬蟲響芙蓉遶。簪簪攜來塵不到。樵青小。木奴洲上支茶竈。風送鯉魚腥過了。灘稜碧褪。畱鴻爪。隔澗人家初穫稻。紅秣早。緯蕭窸窣。雙螯飽。

又十

月

搶滙霜酣鳥相赤。淡黃鴨脚千章直。着箇扇袍垂餌客。船欹側。天然設色荆關筆。最愛小春偷煥律。身閒應任羲輪疾。一抹雲腰黏淺碧。遙峰出。鶉鵲點翅人攜笠。

又十一

月

唳鶴灘晴長至近。芋魁煨裂菘薑嫩。何處水仙香陣陣。

蟾鉤暈撈蝦蹙皺寒潭印。向曉慈鴉盤欲盡魚租不
欠。僵眠穩。船背掃來霜一寸。酸風緊。木棉裘較羊裘韻。

又十二
月

蘆渡六花先臘灑。模糊片蓆江天挂。畧約無人飢雀啞。
枯株罅。衝寒側帽何爲者。縮項鰻肥叉嬾把。漁家歲
晚偏多暇。遠寺昏鐘煙外打。收前汜。篷牕吹火團圞話。

品令

爲趙雙
白題像

平原村冷。但露濯胎禽警。荻洲環處戛然長。喚月寒煙
暝。偏怪幽人。拖著縻筇閒聽。雙蓬拚映。夢不到揚州
境。浮丘一卷。素琴三疊。發人深省。多少雕籠。誰適水情。

雲性

右華亭
聽鶴圖

又

衡門之下。且請學樊遲。稼短犁新買。綠塵塵裏。烏犍斜
跨。公道評來。元勝着緋騎馬。參差吹罷。任叩角歌呼
啞。垂鞭歸路。夕陽紅淡。漢書聊挂。添箇菹飯。休謂是知

津者。

右谷水
騎牛圖

法曲獻仙音

弘軒席上聽楊郎
絃索兼感陸君賜

崔九堂前。段干亡後。那記開元遺譜。幾撥冰絲。一欄霜

月。依稀舊曾聽處。是壓笛宮牆侶。偷將串珠度。按商

羽。訝瓏瑤鐵衣金勒。俄變做。恩怨小恁兒女。莫道客忘

歸。隔簾旌雲也。畱住。鏤管花殘。畫旗亭。渾減新句。但更

闌燭跋。喚罷奈何疑竚。

是夕奏羅貫中陳
橋王實甫蒲東曲

八歸

申浦阻風

雲黏墨障，濤掀銀屋，歸計一晌耽閣。蕭蕭五兩空江晚，
知其衝煙寒鷺，甚處栖泊。鄂被欲溫溫未得，况半臂紅
鞵綿薄。料此際、占罷燈花，竹儿倦顛托。偏是琅玕瘦，
損秋來滋味，病酒袪懷還惡。幾聲珍重，一回銷黯，客厓
如何能着。笑柔鄉、咫尺底事，經旬動拋却。殷勤囑石尤
方便，送轉船兒，文君壚畔酌。

散天花

丹鳳樓懷古

亞字牆邊雁齒塔，龍風吹不去。小丹臺、靈妃應駕晚潮
來。鼎邊烏尾急，嗽枯槐。欄瞰琉璃絕點埃，微茫拋幾
扇。夕陽開，凭高莫倚大夫才。鐵崖陰在石土花埋。

明月逐人來

鶯黃罇滿。鷓斑香爇。偏廝稱小樓如繭。瑣牕畧啓。斜日
煙蕪遠。放入丹青一扇。閒伴冬娘翠袖。熏籠靠遍。無
人處。防閑幸免。剪刀指冷。休更拈針線。賭箇擗補消遣。

迎春樂

長至

銀鑪淺爇。溫磨火。閒閣綉鞦兒坐。夜來貪聽么絃。破笑
倦睫。開還鎖。看日影繡床漸過。怎添得吳綾花朵。要
遣鴛鴦成對。便向燈前可。

飛雪滿羣山

夾闕
觀雪

欺。揭風鉤盤。鵬雲洒。玉塵吹上迴欄。翠樓妝罷。紅簾軸
處。泥他卯酒禁寒。幾回迷額眼。訝誰舞。遙空。瑤環萬家。

鱗瓦。雙峯佛髻。飛絮有無間。憶曾賦宜春花滿句。向
謝莊衣。畔斜撲歸鞍。灞橋驢滑。山陰柁。倦浪遊。總遜鄉
關。鳴壚籠茜袖。正人與。餅梅對。閒。若教。圖畫瑤臺十二。
天半看。義山詩如何雪月交光
夜更在瑤臺十二層

琴調相思引

病起鈿華了不施。一綯低綰卸頭時。夜寒鐘定綠底上
樓遲。鳳脰燈前人灼灼。蝦鬚簾外雨絲絲。解携猶未
先話兩相思。

又

浙浙瓊花灑隙乾。石郵狂撼相風竿。酒醒何處鷗跡印
水灘。幸不載伊蘭漿去。料應愁我錦衾寒。不如香獸

再得伴更闌

虞美人

白塔守水

鮫宮夜湧晶盤滿。咫尺蓬壺遠。情悰約畧四年前。板橋
衰柳繫吳船。蒜山邊。那時相對憐桃葉。不怨橫江截。
小樓今夜凍雲迷。知他會否下鴛幃。待人歸。

鷓鴣天

途次偶書所見

差喜歸裝背朔風。蘭橈雖滯筍輿通。負暄犬臥疎籬鏤。
乞火人穿密篠中。梅破臘。日高春。冰霜似此欲何從。
豆蘄煮酒誰翁媪。晏坐圍爐笑頰紅。

玉女迎春慢

雪晴

解意天公。頻妝點閣外玉壺瓊島。睥睨千家帶遠。儘我

凭欄吟眺。吳鹽誰掃。數息處。瓦爐聲小。些些風味難向。
淺斟低唱。人道碾成幾筋水。銚。垂垂待伴。暮寒增峭。
愛與兒家。韻面不啻封梅。壓篠。落霞低映。暈一朶紅酥。
偏好淨洗青冥。襯出月娥纖縞。

初帶花

小除夜
復雪

樓寒人悄。春猶殢。向暝何事延佇。愛他并剪。剪魏家驚
蝶。謝家輕絮。爆竹光中。飄瞥弄纖影。無數誰知我。冰檠
木強筒。相伴歲華暮。迴思神京舊。况味被擁青綾。苑指
瓊樹。此時更直。正鳳詔裁歸。右銀臺路。閉戶先生。久不
夢短衣射虎。微醺後。巡簷一笑。凍藥細於乳。

法駕導引

赤城韓夫人製木府蔡真君法駕
導引九首今僅傳三闋戲爲擬之

乘蹻去乘蹻去閒訪智瓊家。誤賭驍壺天一笑不知流
電掣金蛇。衫裊六銖斜。

又

天雞唱天雞唱。榆桂曉。龐臆寂寂瓊樓寒未啓。沈郎新
鬢翠微宮。鳳鼎紫烟中。

又

珠幢擁珠幢擁。風馭響流鈴。瞬息班麟三萬里。齊州九
點月冥冥。誰辨漢家陵。

又

香深處香深處。雜藥壓枝多。燭夜花前傾數醞。珊珊鈎隨
意擊盤歌。清越應雲和。

又

羣真宴羣真宴青飀賽梗香醞得逡巡龍腦酒雪銀休

例買餘杭醉舞下寥陽

龍腦雪銀用耿先生事餘杭姥見麻姑傳

又

蓬萊使蓬萊使鳳紙綠章緘上界却來官府足弄臣仍

署掃花街宛轉字如蠶

義山詩上元細字如蠶眠

又

文鱗滕文鱗滕橘社鴛潮歸滿路空青人不見織綃嬾

子拾支機蛟瘦笛聲微

又

紅韁解紅韁解山子休芝田貪共雨工騰踏戲碧桃如

雪糝鞍韉飲玉闌河旋

又

靈飛佩靈飛佩綺語戒尖新月兔縛毫濡沆漑七言遙
和藥珠人先遣示南真

卜算子

荷珠

滴瀝打篷聲做弄田田影誰捧銅仙露滿盤潑得鴛鴦
醒。切利瀝摩尼翠蓋擎難定百珠穿來費藕絲髮髻
郎心性。

又

柳線

寒食雨和煙染出鶯兒淺依舊垂垂千萬條暗把春愁
綰寂寞掩長門搭向欄干半多少鶯梭織未成燕尾

床頭剪

又 錢

綠筵亂地牆，鸞眼分明認。聞道盧家爛不收，難買斜陽
寸。折取杖頭懸，春晚銖衣褪。天上寧無種樹人，却用

王清木

王清木錢神名
見酉陽雜俎

又

蕪
絲

雉尾細於釵，繚繞春湖碧。笑煞江東老步兵，直待秋風
憶。幾縷嫩冰黏，皓腕殷勤摘。鹽豉調成骨董羹，比酪
嫌唐突。

又

粉
竹

褪了縷龍斑，冷翠浮纖素。入夏湘人試曉妝，薄薄鉛華

御。和露刻琅玕。玉版畱新句。飛盡桐花鳳。到遲錯訝
鋪青女。

又 苔

衣

千里草橫裊。四照花垂幄。爭似塘坳錦。夜明點綴陳王
閣。浣淨綠鬢鬢。暗水魚牀落。悵悵耶溪石。上痕沁處

凌波覺。

夜明苔見拾遺記

又 芝

蓋

句曲謁茅君。三秀多於薺。采藥童歸攬赤幢。鹿背光搖
曳。只合蔭商顏。何事甘泉寄。爲愛銅池五朶雲。一樣

亭亭驕。

古詩攬芝獲赤幢又詩北有浮雲亭亭如車蓋

又 狹

針

透水碧尖芽。畦帳裁縫早。用盡工夫刺繡紋。不似逢年

好。白鷺點來輕。稚子敲難釣。辛苦牽牛插乍勻。河鼓

先分巧。

右塞詩衣
帳稻畦成

海棠春

紙
箋

杏花風裏游絲颺。訝何處鳴箏送響。并剪剪霜翎。跼跼

青冥上。雖非小衛巾箱放。也常帶煙霞骨相。燈影夜

微茫。拂尾春星漾。

又

竹
馬

龍媒原稱龍孫。做學司隸。香鬢瘦步。待得細侯來。踏遍

青蕪路。耳批猶帶湘江雨。却閒伴鳩車戲具。好逐葛

陂翁。跨箇筇兒去。

又木

魚

霜鯨罷吼。團蕉穩。又敲徹金鰲背。損不寄錦江書。繡佛
依蘇晉。小軍持畔魚山近。憇珠共潮音隱隱。解伎笑
吳儂。攪入紅牙韻。

又石

虎

白楊如嘯。燈如漆。殞宮下於菟。夜失月黑。望夫山。偃舞
風蕭瑟。飲歸橫臥滕公室。幾拳繡斑紋。蘇密。莫恃晉
能言。猿臂藍田出。

又

雲
獅

玉塵堆就文殊座。儼疏勒牽來。駮駮咏絮。謝家才。怎遣
河東和。百花攢簇。連環鎖。問爭似瓊英。朵朵冷煖異。

金猊不耐沉香火

曲江戚畹以百花爲猊
子繁小連環相匪遺

又

翠

女牀遙隔歸昌噓換新樣炎洲翡翠何物許同巢玉燕
釵梁綴綠蟲輕嵌銜珠穗儘誇向專諸巷裏生小戀

秦樓買得偏成對

專諸巷吳人
亦翠花處

又

銅

鍍金鴻鵠沈烟瘦羨常在房幃素手移傍夜香亭影浴
春波皺睡濃嬾逐欄前鬪被池淺輕寒不透若解白
呼名只合呼韓壽

太常引

正月十七
夜師事

海天春破放燈籠酥雨潤輕埃小宴戟門開聽陣陣山

香縈來。闌珊意態蒼茫夜色，分付酒如淮，已誤太常。

齋。懶更話臣纓掛鉞。

齊人詩莫誤
卿卿學太常

又十八夜步

偃坐月

隔季重倚水亭欄，誰問竹平安。瘦損碧琅玕，也類我多情鬢殘。迴廊轉角，澄暉浸影，爭忍不盤桓。抖擻泥春寒，奈似醉襟懷倦看。

紅窗睡

用珠玉
詞韻

不信簷鈴真解語，徹夜傍枕屏如訴。驟風馳雨相攙相沒，安排愁處。絳地燒殘，曉未曙，知誰伴錦牋翠筆。吟朝醉暮，只除飛夢，覓高唐人去。

解蹀躞

仲春望日舟行值梅園
徘徊不能去，偶成小闕

一帶濛濛晴雪疑入孤山路小橋脩竹停撓暫容與凭
遍老榦春苔被伊悄地勾牽欲行還竚倩誰主林遣
封姨吹去重尋醉芳爵有情蜂蝶棲香戀深處待到蟾
影飾時便須安箇紅裙夢和花語

怨三三

清明爲三月三日

鑽榆贈芍巧相兼占盡春愁惹得天公也妬嫌遣風雨
暗江南淹留藥裹詩籤海棠夢閒庭正酣謝解事新
蟾飴簫吹罷宛在湘簾

小桃紅

綠媚咏桃

酣顛斜暎淺溪流鹿眼離剛透慣伴如絲數行柳罩海
舟題門舊巷休回首春寒細雨酒醒殘月願移近洗妝

樓

雨霖鈴

柳開坐雨用
樂章集詞

檐低聲切。訝支頤處，曉暮無依。春寒分外悽惻，短桃露
井。細苞纔發，悶損雛鶯小燕。噤嬌響如噎。想此際，吟客
孤篷，北固山頭，暗潮濶。

時稱亭
行後

東皇冉冉看將別，最

無端悞了，鞦韆節。年時畫舸同汎，人醉後，滿身花月。底
事新來，只待茶鐙臥簟鋪設。那更被絃索嘈嘈，舊恨依
稀說。

戚氏

泛舟橫雲飲
邇公精舍作

趁晴暄，肯惜紅友負青山。攪睡窓蜂，絮香巢燕，勸遊船。
凭舷認煙鬟，垂楊缺處黛痕連。車喉宛轉，纔罷更遣鸞。

管和鵬絃茗椀清供蕉團閒榻恰對削壁巘阮且從僧
借杖披薛尋洞乘興躋攀。疇昔月榭風軒綦響一斷
木魅語頽垣多情賴翠微無恙碧澗依然石梁邊脫帽
據地芥肥筍嫩艸艸杯盤夕陽半嶺纈眼迷離儘我流
枕雲眠。暗數鶯花候人生適意畢竟樽前看取牛羊
廢隴剩銅獅水滴村誰憐怎如幾具琴簪數聲欸乃鷗
鷺常爲伴况舊遊零落晨星散難得是親串蟬聯夜漸
深絳蠟重燃學蘇晉醉裏愛逃禪笑廬峯寺空勞結社
但惹肩攢

銅獅外滴陸氏築
中物也見輟畊錄

徵招

四月初三日
送春

年又送春歸矣如何麥寒偏凜拂拭舊熏籠覆韶州

紅錦午餘和悶寢。夢回處。水沉微滲。髣髴殘秋。雨昏煙
暝。瑣窓支枕。能禁藥欄叢。剛移種。催將粉膩。脂沁。醉
袂落花詩。記曾翻墨。潘因人常似恁。便畱到曉鐘爭甚。
待消受。滿逕綠陰。試蔗漿茗飲。

錦堂春

鴉翎啼時綠暗。鼠姑開後紅薦。人間簾敞桃笙淨。斜對
畫樓眠。惜餽催調橫吹。玲瓏學撚么絃。從教陶寫供
清畫。無奈是中年。辛備備商玲瓏
唐時樂工名

雙雙燕

逢長安
舊歌者

記休沐宴。喚宣武門西。縈珠名部。丁香拆後。見慣白浮
鳩舞。悵悵飛雲散去。似一枕鈞天欲曙。誰知落落拓逢伊。

又是江南春暮。無數青衫淚雨。對榻畔、茶烟鬢絲千
縷。烏衣殘照。剩不翠衿雙語。聞說華棖易主。漸老却、玄
都桃樹。贏得舊識何處。莫唱渭城樂府。

夜遊宮

狎客周生出故人寄妓手書
偶用晏小山韻聚括其意

一櫂紅橋箭遠。酒醒後、香衾難暖。不恨相思不相見。見
雖頻。奈東牆、登較晚。合是書仙伴。莫吹做柳綿。撩亂
誰道來生尚緣淺。驗魚牋。減溪紅。知淚點。

寰海清

玉蛹爲蛾。艸花成子。初試單羅。侵曉麥風一面。簾額微
波。黃鸝枉相識。濃陰院。須不是春畫。嬌歌。楸枰冷落
塵多。嬾更向後堂喚舞。曹婆。珍簾拋書。漸喜扇拂天鷲。

長繩似繫小年日，算何妨暫攝南柯。醒來松響細問輕

綃，煮茶麼。

元微之詩：懶梳妝舞曹婆李義山詩：交扇拂天鵝。

握金釵

用呂聖求韻

換水貯哥窑，菖蒲又堪剪。麝煙微透窗眼，清晝悄悄任
妝晚。吟意緒，繡工夫，緣甚懶。鸚鵡太殷勤，林梢盡情
轉。半床閒却絃管，貪弄新荷翠錢展。人見也，感凌波歸
別院。

燕歸梁

木意

啁得芹泥掠淺沙，還覓舊盧家。鬱金堂外受風斜，人正
悄。夢梨花，日高香壘塵凝藻井，占定好年華。蜜官辛
苦浪拼衙，相對語不如他。

溫飛卿以蜂為蜜官金翼使

贊浦子

用花
間韻

井畔桐初乳，閨中草正薰。小軸雙文像，輕綃百裯裙。

只擬夢隨飛絮，誰知月墮重雲。諱道從來瘦，支離不爲君。

戀情深

錄事巷南無數柳，拂行人首。小樓珠箔翠籠陰，乳鶯吟。
阿誰雙顰鬢，闌臨惱亂，拾鞭心。自此不歸朱邸，戀情深。

又

鏡檻無人風運幕，赴蕭娘約。象梳微攏蜜犀簪，倦停針。
半灣銷夏碧江潯，荷氣襲羅衿。便做一雙紅鬣，戀情

溪

又

過雨房櫳燈火早。任秋蛾遶。筠籠親炷海南沈。覆鴛衾。
玉琅玕細冷森森。怯傍女嬃砧。二十五聲長漏。戀情

深。

又

畧畧教成銀捍撥。對垂虹雪。射堂歸騎帶山禽。度瑤林。
解鞍和笑玉船斟。遮莫峭寒侵。半臂麝烟濃處。戀情

深。

畧畧琵琶曲名

西河

無限意。凭闌一晌誰會。紅樓碧樹。曉濛濛。雨疎煙細。妙

光閣外眺神京，依稀風景猶記。十季夢，今醒未。舊題
小字塵翳，典裘轉媿茂陵人。長卿倦矣，只餘婉孌好家
山排牕遙送，眉翠。畫船載酒，競鼓吹，讓黃衫潭上沈
醉。謝客板扉從閉，笑倡條冶葉婆娑如此。休說移根靈
和裏。

水晶簾

誰喚蒙莊醒，是銀竹森森敲井。漸入霏天，訝玉女盆翻。
鄂君香冷，望斷晨光簾影黑。夏夜比冬宵更永，汝南雞
只隔鄰牆，怎生寂靜。潺湲滿清聽，恍千山飛瀑蒲團
禪定。把舊愁新怨，幾回暗省。衝鼓催朝泥沒馬，正此際
燈殘鳳脰，最無端焦穀空花，賺人薄倖。

人月圓

蘭江魚婢桐花鳳。雖小已堪憐。十三絃在。猶狀未到。瓜
字分季。綠雲覆額。誰知施的。纔曉安鈿。他時茗水。尋
春社牧。休誤風前。

與團圓

呼罇拂石餘霞如綺。濃樾如帷。春來手播秋花。種早抽
遍新萸。閒庭笑看。袞師朋戲。織素肩隨。醉啜只愛天
吳。裋褐玉脣清輝。

漁歌子

月洲彎。紋縠細。剪刀葉底魚苗戲。倚枯查。垂粉餌。不識
誰莊誰惠。樾童童。蜩嘒嘒。雲腰一抹龍拖尾。棹頭歸。

支頰。閒看風標公子。

杜牧以鸞爲風標公子。

散天花

題天女散花圖

誰滌空青染大羅。五銖衣瑟瑟。現天魔。瓊霏如雨妙香和。吹來平丈室。供維摩。風諦曾參宰堵波。波波旬憎慧業。奈渠何。憑將半偈乞鬢墮。經行隨鹿女。踏花過。

南浦

載酒浣花溪。漸午風吹來。茵蔯香細。醒夢一蟬新。濃綠外。羅立數峯如髻。苔錢屨齒。李文小袖曾遊地。斷鴻一去。惟畱得斜陽。閑鷗相對。吾家阿濟殷勤。喚碧筒浮梁。米盃沉李。箕踞翠濤陰。何須問歸路。暝鐘烟際。柔蒲脆柳。未秋先做蕭蕭意。謝公宅近。無端又催人。西州門。

淚

小袖李文藻
見趙宸燕傳

堯上鞋兒

戲作藥
名開怨

丁香幾結。梔子同心。珍重使君投便。合歡諧膠漆。算兔
絲。怎比稠繆。茱萸繆裏。鬱金堂外。蘚滑石欄幽。悄地黃
昏私語。寧甘遂嫁牽牛。山迷青黛。鑰閉葳蕤。別去菊
花秋。百部相思。藁本剩寄奴。故紙空收。壞屏龜甲。舊奩
龍腦。膩續斷筌篋。郎若當歸。趁早無多。豈惹鴛頭。

拜星月慢

本
意

始影占來。結璘奔未。悵望梧桐露下。鬢鎖金蟾。閉蒼涼
亭榭。拂髻兒。擺箇年時鵲尾。越覺腰身如畫。被肘多情。
襯芙蓉裙袂。盼銀潯。乞放黃姑假。偷靈藥。莫判青天。

寡暗把小字生辰向風前擘寫漸鐘沉絡緯墻陰話桂
僮臙暖雪埋紅燧不慣是怯膽虛廊更花搖竹灑

清平樂

層臺塞產人在青冥半玉瀝金波渾不辨惟覺桂香吹
面幾季月瓣花狂誰知滅盡飛揚歌板換將禪板釀
王降了空王

洛陽春

立春日有感

莫道東君無準驗柳金梅粉怪他着意染紫青染不到
星星鬢閒擲幾番花信舊歌筵休問分明秋宇在心
頭算那得春光分

法曲第二

春寒偶作

過了收燈誰信封姨撥弄東皇顛倒已誤沆霧約似烏
鰲書緘寒暄難料忍禁得梅鬢瘦減蕙芽小雪又攪

記華年簇辛盤燕九此際東閣紅爐遶京雒夢都付藥

鐺茶竈密補臆櫺學蠶眠繭窩計好且休羨畫檐烘日

放衙蜂鬧

京師正月十
九伏謂燕九

柳初新

詞又舊次所寄警香二刻有懷
并感合肥宗伯長椿舊遊也

花驄蹋倦蘋汀路又浪跡臯橋廡櫻桃聽講槐安縮印
博得裏窻新譟雲散吟別酒侶問誰同輕鷗柔鬢光
它坊中別去悵義輪揮戈難駐尙書紅杏司黥綠葉都
做繫人愁處待相覓橫塘烟渡與君話燕山春雨

宵聲碎

咏百
舌

故故喚朝眠。不覺春心搖蕩。新簧巧試。宮商潛換。學小
娃訛唱。秦樓上。愛焯霧正。臙臙。只隔垂楊浪。支願漫
惆悵。爲恁停妝。一晌輕圓。乍喜。又做弄。鉤輓。楚喉蠻吮。
芳節往。終似息國夫人。莫亂金衣響。

離亭燕

花朝後一日舟
泛次孫浩然韵

水面似被難畫。雨脚欲收還灑。野鴨衝船千百點。不圓
竹欄誰射。待渡一蓑歸犬。吠爨煙。邨舍。拂樹小帘青
挂。隔寺壞橋紅亞。隨意攸肱攤飯處。伊軋櫂聲如話。茅
土醉侯。竟只在矮篷窗下。

迷仙引

登暉閣
下柳

一搦蠻腰。記向章臺。帶雨移植。彈指三年。上樓人漸遮。

得。簸。晚。風。春。未。半。蘸。鷲。兒。千。尺。泥。不。念。催。老。舊。時。張。緒。
靈。和。標。格。縱。近。飄。綿。陌。幸。傍。藏。鴉。宅。拂。面。流。蘇。憐。他。
偏。單。柳。兒。白。莫。倚。着。欄。干。弄。箏。怕。金。城。淚。點。重。來。又。滌。
香山詩未多
遮得上樓人

極相思

年來貪譜伊州蕃錦作纏頭郭郎長袖搖娘假面散了
此愁顧曲心情今打邊任飄零社燕辭秋簾床蠹粉
笙囊蛛網夢醒紅樓

粉蝶兒慢

花名十姊妹
戲爲咏之

天寶三姨昭陽兩艷總較伊家纔一半齊列處羨宮眉
圖展底事微禽枝上棲也把排行偷喚錦離披勝蜀牋

數種紅深紅淺。光炫屏風一片。寫香詞恰稱迴心春院。相憐如欲語。競鬟搖釵顫。莫是東風都未嫁。誤煞拾遺嬌面。笑宜男狂多情。鼠姑無伴。

醉鄉春

挑菜作

手摘紫芹青薺。猶帶雨香泉媚。撥活火。試新醅。天送老饕風味。何限玉盤朱邸。競說蓬池。賜鱸早春候。夕陽村。可能嚼出宮商細。李文饒詩註唐學士賜食悉是蓬萊池魚鱸

燕臺春

寄胡剡羽時有得雄之信

抱甕亭邊韞光樓上。分曹幾遍藏鈎。酒國塵兵。舉旗乍割鴻溝。有時評罷歌喉。報息鐘曉寺霜稠。開中清秘。牙籤千卷。借我銷憂。吳航歸去。越調吟來。夢迷蔣逕人

老并州青雲小阮翩翩欲度驂
繡襦犀錢况蘭芽瓊砌新抽
竹林遊應念題句客飄泊依劉

抱甕鹽光爲胡氏谷園勝處

解語花

兩夜檢書得舊稿漫題

投嚴斲羽委砌殘香誰復畱連意
蝨魚堆裏仙難覓却剝斜行小字
牛腰驢背費幾度縫衣人淚渾被
他賺了
丁季不換長安米吟到案螢乾死
笑批風抹月干卿甚事青燈烏几
簷鈴亂淒絕夢華隔世臣今老矣
任嫁日鏡隨塵翳算只除金粟經
雨懺悔芙蓉紙

傷春怨

改童時所作御街行

粉印編重展尙夾年時花片
昨夢已模糊瞥引春愁一線
畫橋閒凭遍小雨悒悒晚
弱柳帶烟垂似與人俱

倦

滿江紅

從婉變艸堂步
至雜花林作

二俊風流都收拾。殘山剩水。但飢廳竄瓦。麝香眠砌。長
夜漆燈春草下。何人鐵篷湖烟裏。踞龜趺閒說泰寧碑。
漁樵史。濃復淡。松雲霽。歇還涉。柴關啓。愛滇茶交映。
唐昌玉蘂。猩血簇成繁。擣錦羊脂碾。出玲瓏髻。問乞花
場與讀書臺。誰軒輊。弁州有乞花場
疏爲陳徵君作

東風齊着力

鏡湖
艸堂

嗟藻文魚。眠汀花鴨。一水拖藍。雲移薄絮。新拭紫珍。廕。
賣藥黃冠未返。香煤冷。偃月泥絨。城南柳似曾相識。弄
影毵毵。載酒憶秋潭。邀笛夜。舊人尙有何。戲玄都重

到雙鬢點吳鹽欲乞粉真丹訣邯鄲叟不語微醺真成

夢碧桃開也誤我鸞驄

堂挂呂仙像

金蕉葉

用彈指集韻

飄零只典青衫醉依稀濕曉勞啼淚似病如魔半生消
盡三生慧記否綠屏無睡迴文浪擬蘇家蕙怕生綃

粉蕩香退永豐弱柳誰教縮作靈和對暗惹鬢絲霜脆

致光詩綠屏無睡秋分簾

鵲橋仙

道書雖讀情根難剷生怕舊遊池館知他緣底瞥關心
到便把空廊立遍一燈殘雨廿年飛電吟筆酒籌渾
嬾繞脰豌豆作花時羨老圃閒愁不管

兩同心

宋次王
花燭詞

賦梅題杏，早擅才情。暮雨峽真逢神女，玄霜驛那羨雲英。催妝處，月懸蝦簾，花壓螺屏。况有丸髻挑燈，義甲
擗箏，七十二鴛鴦沙暖，一百五楊柳烟輕。深深院，有箇
人人，頻喚卿卿。

踏青游

題樊川圖贈
吳興興太守

天遣才人管領湖山，月合占住水嬉芳節。怎重來，清
若路成陰葉，舊風物都付惜春傷別。怕粉香讓他蜂蝶。
十載狂名，青樓夢回猶熱。把荳蔻珠簾，吟徹問紅淚。
秋娘共紫雲花曆也。應畫圖裏伴取鬢絲禪榻。

芭蕉雨

為維揚江
氏雙節題

卷之四

暗盡妝臺曉鏡照來還。閨箇孤鸞影。青女素娥相並。甘
受月戶秋清。霜幃夜永。一泓邗水碧瑩。嗟此意誰省。
休艷羨錦袍誇江令。待五色管花成。多少燭淚同乾。機
聲互應。

鬪嬋娟

山塘見龍
舟即事

女墳湖畔凭船望。林腰斜照紅淡。笛床香爍久。闌珊尚
餅。嘶山店。暎幾簑安。獨血染。誇他蟬扇。龍鬢篋。僕本銷
魂者。嬾更向。三三。藉燕。倚簾檻。時節又近端陽。碧
菰烟裏。畫橈滿。光。水犀零落。錦帆荒。酒酌賜夷劍。
莫漫聽。梧宮唱。賺涼風。且緊鴻。汀澆。瞥塵。只銀檣。蟬。猶
弄番陽。小樓未。

水調歌頭

晉門舟次逢其
年梨粉話舊

聚散偶然耳。泛若水中鳧。愛而不見，天人贈我，信壽難
誰道鄂君舟上。復此秦娘橋側。二妙一時俱。今。三杯
樂。擲帽唱烏烏。燕臺事。陽羨約。總模糊。含情楚雨。小
詞聊以當萱。蘇公等豈長貧賤。吾意在於丘壑。執手且
踟躕。別後共明月。知有夢來無。

喜遷鶯

粵東石頭陀為其年寫照作散
花天女圖次原韵奉題一闕

宓妃芝館。費八斗才華。填愁欲滿。何許琴聰。描成髯客。
繞涿墨濤。微濺。身在。鬢殊。香國。夢醒。梨花。秋苑。回眸處。
有。齊公。小小。銖衣。縫淺。酉陽雜俎云寶應寺天女
像乃齊公伎小小寫真曼
御。訝筆底聽法。擗龍攝入。鸞溪緝。三尺團蕉。數聲枯樹。

借汝破除歌板。野店黃梁待熟。火宅青蓮任產。功成後。
看英雄學佛。他年未晚。時其年將
赴徵車

青門飲

咏高麗
棚

白岳嵐濃綠。江沙淨。無端孕出有情枝。葉雪正狂時。酒
微醺後。何物繫人思。切一捻龍腰管。伴紅籌。由來心熱。
錦囊輕裹。蠻鞦小貯。檀唇親嚙。身豈炷香金鳥也。教
似線篆痕。蟠結眉麴。枕郎醉漿椰子。風味較伊都劣。紫
玉潛銷處。唾花圓地衣成纈。爲伊半晌扶頭。倦眼欲擡
還怯。

賀新涼

端陽前一日偶過樗亭。值菡次泚侯漢
度彥達。雙白先後俱至。小飲濠上分賦。

濃綠深深徑。隔溪灣。語聲了了。赤闌誰凭。却是吳興攜

客友共適鶴情鷗性塵尾畔茶烟風靜
閩客吳儂語謔
憑倚微酣靡靡皆堪聽
臣亦是狂而醒
水嬉搗鼓新
散競正城隅畫船開
宴繡旗翻影何似君家潭子上
冰
雲詩腸偏冷尋老袖過橋聞磬預恐蒲輪催健者
逐諸

公袞袞登臺省誰伴我釣魚艇

謂樗亭

又

寄題孫樗庵半瓢居
本家黃山今僑居升

老去蘇門叟好家山松團雲海別來應久署
作寓公聊
復爾爲愛紅橋烟柳遙對着茱萸灣口此地
多錢長鬣
賈盡珂義大觚誇身手圖史外君何有
巢棲更比壺
中應算無勞江湖五石拍浮樽酒天上匏瓜
猶獨處
斟酌丘中剖只贏得王筠詩就歸日斜挑方
竹杖問東

吳長樞魯攜石還載管如船藕

又菌次招集聽秋書
並用坡公原韻

參佐三間屋喜過從碧塘閒對蟬吟鳧浴作客馬卿偏
好容鱸出銅盤如玉更滿巵深醉初熟我類桓伊多感
慨定風波怕聽龜年曲莫吹裂柯亭竹粉蛾低向樽
前感濕青衫古來不但潯陽愁獨歷落崎嶇在能存
肯被酒拘詩束弦月掛松髯凝綠燭跋留髡留不住早奚
童新睡屏風觸長嘯起樓鴉敲

晝夜樂

咏他

來禽青李都過也也值得王郎寫栢梁宮令墮餘長盡
蠟兄聲價宿雨纔乾鵬唱罷恰點綴翠陰朱夏穿樹粉

侯歸問金丸誰打。莫釐舊約成虛話。總輸他灌園者。
可憐渴甚臨邛。嬾賦上林如畫。豆綠罌中織手剝。味絕
勝楚萍交蔗。記起閉門人。在橋邊花下。

又

作前詞竟適包山翁心齋
遠爲見惠再用原韻求

曼詞題就烏闌也。幾錯把琵琶寫。市來風帶儒酸浪指。
黃金評價似橋過。淮拈復罷。但夢想小灣消夏。何處荷
簑。船乍烟屏輕打。殷勤銀鹿寒暄。話滿筠籠贈貽者。
只須兩顆三枚。册葉漢陽堪畫。米齒瓊漿蘇肺疾。欲起
舞賭持肝膽。飽食待明年。到毛公壇下。

五緣結同心

午日嘉樹凌秋招集紫蓋山房
帶三先生屬同箇次諾公賦

回颿過鬢。弄水船忙。先生一笑掀髯。人世波瀾惡。非吾

事聊與捉塵而譚靈均。憔悴皆因酬。十年後。孤冷蛟螭。
君知否。離騷莫讀。只除痛飲差堪。小池數弓初漲。喜
榴能添火。藕解鋪奩。魚戲東西。雨來今舊。何況客少猜
嫌。澡蘭詞寫蒲葵扇。續黃絹還索烏鹽。竟醉矣。逃禪吾
愛五絲欲織。罪罟是日為地。
賦齋期

滿江紅

是則為余作小隸未及半
而忽聞奄逝詞以悼之

半束銀鈞。是亡友獲麟之筆。記燈前顧曲。悵焉如失。竹
徑漸悲。猶阮少。蘭亭不信彭殤一。訝赫躡無恙。墨花鮮
風蕭瑟。推髻侶。塵凝。蓮頭子。芸消帙。但飢廳。老屋
亂鴉斜日。小塚管城憐汝殉。舊圖戈法何人述。待嵩陽
重寫攝龜碑。呼之出。

繫裙腰

爽閣
觀雨

欄杆俯壓萬家低。濃綠影，捲烟霏。分明思訓染鷲溪。添墨潘，忽被做米元暉。吹來少女襲人衣。雲抹處，鳥爭飛。琮瑤屋瓦，濺珠璣。身恍在楚天晚，看棋時。

一叢花

曹綠巖
南園作

蕉青將放木蘭舟。斜日爲君留。迴廊轉角亭臺靜，倚闌處人冷。於秋澄碧一泓，濃陰四面，撲漉起閒鷗。披袞還上竹間樓。茗椀話綢繆。先生自是陶弘景，白雲外持贈何求。孫解誦詩，僅能釀酒，客號醉鄉侯。

南歌子

讀蘭次林蕙
堂集戲題

柳柳州之後，吳吳興，與定傳。才人領郡本神仙，何況拂衣。

歸釣掘頭船。竹路聞歌去。楓橋碍酒眠。二分明月五湖烟。總被錦囊收拾上瀟湘。

南鄉子

水廟啣神鷄。滿樹冬青正著花。日脚殷紅雲破墨。誰耶若有人兮。蔚荔遮。青火小鈎斜。蛤鼓聲聲鬧暝沙。一葉衝州猶未泊。知他路隔盤塘第幾家。

醉高歌

禾中縣李開山司馬

相思蠻戶春城相見。鴛湖雨艇少年同學。薇花省歷歷。鞭絲帽影。君猶車騎逢迎。我已漁樵管領。蠶桑蝦菜。佳風景可許。頻過茗芋。

鬪百花

南湖廢圃

藤把欹樓扶住。雀被飢蛇銜去。當年馬燧名園。今日蘭
成枯樹。凭遍船窗。無復錦襪凌波。但見綠簑呼渡。閒事
消凝處。拍岸蒲萄。送盡年光如故。歌舞散後。蒼烟亂
飛鷗鷺。吹笛何人。黃昏定有。髯蛟來其老。桑滯語。

石湖仙

金明寺范
大夫祠

城隅槐柳。有臨水紅樓。畱此靈瓊。恍惚錦衣危坐。蘇臺
歸時一舸。明妝何處。怎不見。浣紗人過。無那。荆鈞。童繫
纜吹火。楚詞欲少。畱
此靈瓊分淒涼。潛蘋誰薦。靄填填。承塵鼠
墜。四合湖煙。地近。越來溪左。白馬潮。奔黃金。像。畏。賜。彘。
分。破。涼。雨。大。更。深。舴。舺。掀。篷。

少年遊

松陵
夜發

水煙和暮碧濛濛颺轉月明中。一部鳴蛙。幾拳宿鷺。悄
起看垂虹。人間不少吹簫客。那覓順陽公。疎影雖填
小紅難賺。飄泊信樵風。

瀟湘夜雨

五月廿三宿紺公梅隱庵
題笠雲禪師是夕大雷雨

龍藏衝炎。桔槔揮汗。世緣總戀洪鑪。閒房吾喜贊公俱。
茶響處。人如瘦竹。香冷後。心似秋菰。原相類。逃名客倦。
退院禪枯。碧雲咏罷。槐風綠吼。榆日紅脯。乍豐隆前。
導玉女投壺。喧一片匡廬瀑布。傾萬斛。切利真珠。龕燈
下。師方入定。曾放鉢龍無。

晝夜樂

過健庵園亭食
枇杷三壺前韻

扁舟又到吳閭也。豈絲竹能陶寫。臯橋酒昏鶯黃。愁向

昔壙論價城北徐君相見罷勝五岳追尋禽夏盧橘出
雕盤更玉童冰打 少陵詩句分明話問何如錦城芳

紫檀洲上開殘猶有蜜珠如畫味諫軒真差澁甚便老

我此鄉名蔗集掌身從銜傍疎簾飛下

唐詞枇杷洲上紫檀開

感皇恩

闕元寺藏經閣

古檜火焚餘半株。翠黛石髻雙浮。自雲海雀離興廢。誰
紀赤烏年代。蕭梁銘瘞處。澆鳳菜瓦閣岩。堯烟林暎
帶鎖澁。經函幾時。曬辦香宮。監鹵薄尚畱旗蓋。畫龍金
敕字。蟲穿壞。

又

瑞光寺

相望一牛鳴。觚稜碧露風鐸琅璫隔烟語。石牀塵淨乍

過曉來花雨。僧閒無箇事。軍持注。半卷金經。數聲粥鼓。洗盡吳船載歌舞。香臺物外。也要買山人住。南朝四百寺。今何許。

洞庭春色

健庵以閏三月三日建亭顏曰重襟爲題長調

雁齒盤階。鸞頭擎石。有亭翼然。儼仙臺小景。唐人金碧中流穩坐。春水樓船紅玉。雕闌斜倚處。對海湧浮圖茂苑。烟分明勝。勝垂虹岸。曲放鶴峯巔。標題恰宜重襟。只此事佳話。堪傳問江南。元已幾逢餘閏。山陰癸丑。何似今年。依舊踏青牆外路。又脩竹鶯啼欲暮。天誰爲記。記雙回蘭採。兩度裙漪。

嘉橫塘

蜻蛉

綠荷香裏白芷烟中楚天將送涼雨點破玻璃更小似
魚鷹如許貼水低穿迎風斜立釣絲垂處隔殘陽一片
拾翠人歸還飛上搔頭住 玲瓏翼剪蟬紗記湘簾串

斷曉院曾賦綠幘顛狂身莫是薄情郎做且休把雕弓
巧拂作伴雙鴛女兒浦買隻輕舟喚他名字看波心來

去

唐詩曉簾串
斷晴吟翼

賀新涼

雙白川坡公韻作五憶詞蓋祿麗
荔子珠蘭佛手橄欖也共和一闋

雪浪高於屋截君家迢迢瘴海金樞鐵浴十載倦遊懷
土意夢想鬢花團玉况烟際絳紗囊熟不是移根從九
畹也玲瓏白遍闌干曲人醉矣眠蘄竹 鷺王掌印螺
紋感伴紅鹽甘回齒頰擅場誰獨甚日歸裝真過嶺壩

載詩筒千束，榕影下鬚眉皆綠。占盡人間香色味，勝尋
仙星影。旌幢觸吟未了，涼颼發。

念奴嬌

臺眺用其季
遊陵詞韻

危闌靠處，又參差城闕，炊烟四起。揚僕屯營方點戍，畫
角斜陽沸耳。公子鳶肩，書生燕頤，骨相吾無是。吹笙伊
洛，仙乎欲御風矣。否則課櫛栽桑，祝雞呼鼠，魚養千
頭婢。閒對枯杯，拋小劫，偷過人間甲子。錄事壺觴，參軍
絲管，絕意南州尉。擲書一笑，案螢何用乾死。

別瑤姬慢

爲羅揚安
人悼亡

問訊蕃釐豈瓊花，耐得微夜風吹。玉鉤斜畔，路算古來
斷送無限，蛾眉同心，苴解重命禽垂。總成惆悵，期把道

書閒看梳頭處不是年時。我亦是感夢微之似鶻啼。
頗慣槩路曾知。蒼茫今數載。任膽娘歌斷紅葉秋池。因
君索句。惹我迴腸。淚堪半志。垂向影堂。挑盞殘燈。檢舊
詩。

擊梧桐

影 詞

炎景如年遠。西掖句題盡。忿蕉難遣。短榻剛移就。訝何
處。楚雨湘雲拂散。油幢一桁。紗籠半壁。人靜晶簾乍捲。
最愛彈琴石。返照裏。恰放孫枝遮徧。蟬鬢青添。鸚衣
碧。泫蠹葉玲瓏。誰剪尚滯商飈。信早漏出。瑟瑟秋光千
片。曾傍雙株潛立。美人來未。撼隔牆吠犬。到而今。銀牀
鋪月。和夢篩亂。

暗香

閨詞送芙蓉數莖因憶州
過吳門不及一泛荷蕩

采蘋舊跡待放船醉取燹光妖魄
懊惱榜人夢裏匆匆
過烟驛多少鷗盟負了
渾未認凌波標格
但想像棗鴨
裙邊顯影蘸澄碧
潭側喜乍摘似解語忽來慰我岑
寂三房兩蕊周昉丹青少鷓鴣
鈿架官窰貯好勝露冷
紅衣狼籍二十四期近矣怕成
暗擲

吳諺六月荷花二十四

長相思慢

贈別
故將

醉尉訶來灞陵獵罷誰憐老不封侯
歌殘驥櫪繡瀝鸚
刀葛疆何似并州
夜上城樓又肉生髀
裹米浙矛頭一
戰犢軍收記追奔雪滿兜鍪
喜黃袴裝輕紫髯名在
無恙馬稍風流拍張方被酒數瘵痕時袒貂裘欲別難

聞尋豫讓橋邊舊遊正秋宵如盤黑處隔江雨葉颼颼

集賢賓

送田髯淵董樗
亭徵草入都

鶴書飛下延英殿親網珊瑚試看羣公入繼躍馬齊驅
題柱誰如京兆披帷况有江都出門正值涼飈發旗亭
貰酒歌呼畫壁三人同調應少一人俱上林秋獮賦
成無定給札操觚此時凌雲激賞珍飲天厨對處名知
颺鼠賜來硯是蟾蜍舊鷄行波池相見憑傳語莫憶鷗

湖若問臯魚負土心已爨桐枯

時芳標以
詩體控辭